

皇
清
經
解
續
編

皇清經解集編

皇清經解續編卷一百六十七

南菁書院

春秋左傳詁十八
陽湖洪亮吉雅著

傳

三十四年春王正月辛丑召簡公南宮嚳以甘桓公見王朝

劉子謂萇宏曰甘氏又往矣對曰何害同德度義大誓曰紂

有億兆夷人亦有離德

尙書作離心離德

余有亂十人

石經初刻作亂臣刊去臣

字與讓廿八年傳同後人輒增臣于旁非也今據削去

同心同德此周所以興也君其

務德無患無人戊午王子朝入于鄔詁郡國志緱氏有鄔聚

杜同

晉主彌牟逆叔孫手箕叔孫使梁其經待于門內曰

余左顧而欬詁說文欬逆氣也乃殺之右顧而笑乃止叔孫

見士伯士伯曰寡君以爲盟主之故是以久子不腆敝邑之

禮將致諸從者使彌牟逆吾子叔孫受禮而歸二月媾至自

晉尊晉也 三月庚戌晉侯使士景伯泣問周故釋文泣作泣士

伯立于乾祭而問于介眾詰郡國志河南北城門名乾祭同杜

此 詩毛傳介大也晉人乃辭王子朝不納其使 夏五月乙

未朔日有食之梓慎曰將水五行志作昭子曰旱也日過分

而陽猶不克克必甚能無旱乎陽不克釋文陽不克絕句莫將積聚

也 六月壬申王子朝之師攻瑕及杏皆潰鄭伯如晉子大

叔相見范獻子獻子曰若王室何對曰老夫其國家不能恤

敢及王室抑人亦有言曰癸不恤其緯釋文癸本又作釐詰說文緯

織橫絲也而憂宗周之隕為將及焉今王室日蠹蠹焉詰說

文蠹亂也廣雅春秋王室日蠹蠹焉一曰厚也按今本作春蠹

故杜注動擾貌三體石經作載尙書蠹字說文引作載古蠹
字皆作載俗作蠢按古字多假借說文蠹蟲動也从虫春聲
載字注云古文蠢从戈周書曰我有載于西左傳以蠢爲蠢
自是傳本不同惠氏輒指爲俗非也曰諸本作實今从說文
改正吾小國懼矣然大國之憂也吾儕何知焉吾子其早圖
之詩曰瓶之罄矣

釋文本
又作餅

詰說文罄空也詩曰瓶之罄矣惟

罍之恥

爾雅罍酒樽方言缶其小者謂之瓶按杜注罍大

瓶小亦以意言之王室之不甯晉之恥也獻子懼而與宣子

圖之乃徵會於諸侯期以明年秋八月大雩旱也冬十

月癸酉王子朝用成周之寶珪于河詰按石經此行少一字

今攷史記周本紀正義引左傳云子朝用成周之寶珪沈于

河漢書五行志作湛于河釋文一本或作沈于河則石經刊
去者乃沈字也甲戌津人得諸河上陰不佞以溫人南侵拘
得玉者取其玉將賣之則為石王定而獻之釋文本或作王定之與之

東訾詒王隱晉書地道記訾在鞏縣之東楚子為舟師以

略吳疆沈尹戌曰此行也楚必亡邑不撫民而勞之吳不動

而速之吳踵楚詒說文踵追也按說文踵相迹也廣雅亦云

踵迹也踵踵踵古字通杜注故云攝楚踵跡而疆場無備邑

能無亡乎越大夫胥犴勞王于豫章之汭越公子倉歸王乘

舟倉及壽夢帥師從王王及圍陽而還吳人踵楚而邊人不

備遂滅巢及鍾離而還詒服虔曰鍾離州來西邑史記沈尹

戌曰亡郢之始於此在矣王壹動而亡二姓之帥幾如是而

不及郢詩曰誰生厲階至今爲梗詩毛傳梗病也此杜本其

王之謂乎

二十五年春叔孫婁聘于宋桐門右師見之詁周禮大司馬之

職師以門名正義引此傳文并引注云右師宋右師樂大心

也其家居桐門官右師與今杜注不合當是服注語卑宋大

夫而賤司城氏昭子告其人曰右師其亾乎君子貴其身而

後能及人是以有禮今夫子卑其大夫而賤其宗是賤其身

也能有禮乎無禮必亾宋公享昭子賦新宮昭子賦車轄詩作

牽釋文轄本又作牽明日宴飲酒樂宋公使昭子右坐語相泣也樂祁

佐退而告人曰今茲君與叔孫其皆死乎吾聞之哀樂而樂

哀皆喪心也心之精爽是爲魂魄魂魄去之何以能久季

公若之姊爲小邾夫人生宋元夫人生子以妻季平子昭子
如宋聘且逆之公若從謂曹氏弗與魯將逐之曹氏告公公
告樂祁樂祁曰與之如是魯君必出政在季氏三世矣魯君
喪政四公矣無民而能逞其志者未之有也國君是以鎮撫
其民詩曰人之云亡心之憂矣魯君失民矣焉得逞其志靖
以待命猶可動必憂夏會于黃父謀王室也趙簡子令諸
侯之大夫輸王粟具成人曰明年將納王子大叔見趙簡子
簡子問揖讓周旋之禮焉對曰是儀也非禮也簡子曰敢問
何謂禮對曰吉也聞諸先大夫子產曰夫禮天之經也地之
義也民之行也天地之經而民實則之詁惠棟曰古文孝經

實作是是卽古寔字見尙書秦誓及詛楚文鄭康成詩箋云

趙魏之東寔實同聲故此傳又作實則天之明因地之性生

其六氣用其五行氣爲五味發爲五色章爲五聲淫則昏亂

民失其性是故爲禮以奉之爲六畜詁鄭元周禮注六牲馬

牛羊豕犬雞正義六畜卽六牲也始養之曰畜將用之曰牲

杜本五牲詁服虔云牲麋鹿熊狼野豕本三犧詁服虔云犧

鴈鶩雉也同以奉五味爲九文六采五章以奉五色詁周禮

九章初一日龍次二曰山次三曰華蟲次四曰火次五曰宗

彝皆畫以爲纁次六曰藻次七曰粉米次八曰黼次九曰黻

皆絺以爲繡考工記畫纁之事維五色東方謂之青南方謂

之赤西方謂之白北方謂之黑天謂之元地謂之黃青與白

相次也赤與黑相次也元與黃相次也青與赤謂之文赤與

白謂之章白與黑謂之黼黑與青謂之黻五色備謂之繡杜並

本此爲九歌八風七音六律以奉五聲爲君臣上下以則地義

爲夫婦外內以經二物爲父子兄弟姑姊甥舅昏媾姻亞釋文

亞本又作姪以象天明詁爾雅釋親婦之父爲婚壻之父爲姻兩

壻相謂爲亞說文媾重婚也杜本此爲政事庸力行務以從四

時爲刑罰威獄使民畏忌以類其震曜殺戮爲溫慈惠和以

效天之生殖長育民有好惡喜怒哀樂生于六氣詁賈逵云

好生于陽惡生于陰喜生于風怒生于雨哀生于晦樂生于

明同上按蒸民正義以此爲服注蓋服用賈注也是故審則宜

類以制六志哀有哭泣樂有歌舞喜有施舍怒有戰鬪喜生

於好怒生於惡是故審行信令禍福賞罰以制死生好生

也死惡物也好物樂也惡物哀也哀樂不失乃能協于天地之性是以長久簡子曰甚哉禮之大也對曰禮上下之紀天地之經緯也民之所以生也是以先王尚之故人之能自曲直以赴禮者謂之成人夫不亦宜乎簡子曰鞅也請終身守此言也宋樂大心曰我不輸粟我於周爲客若之何使客晉士伯曰自踐土以來宋何役之不會而何盟之不同曰同恤王室子焉得避之子奉君命以會大事而宋背盟無乃不可乎右師不敢對受牒而退詰說文簡牒也牒札也士伯告簡子曰宋右師必亾奉君命以使之欲背盟以干盟主無不祥大焉有鸛鵒來巢書所無也詰服虔云鸛鵒不踰濟今踰宜穴而又巢故云書所無也本疏師已曰詰賈逵云魯大夫史記

集解杜異哉吾聞文成之世詒賈逵云文成魯文公成公同

按論衡集虛篇引此作文成李善注幽通賦亦同今諸本誤

作文武从石經及宋本改正惠棟曰若云周之文武數百年

豈能逆知童謠為魯昭徵驗乎今本皆作文武俗誤行之久

矣童謠有之曰鸛之鵒之公出辱之鸛鵒之羽公在外野往

饋之馬詒廣雅饋遺也杜本鸛鵒跼跼文選注引詒漢書集

注跼跼跳行貌杜本公在乾侯徵褰與襦詒說文褰袴也春

秋傳曰徵褰與襦襦短衣也廣雅襦謂之袴杜本方言云袴

齊魯之間謂之襜郭璞云徵褰與襦音騫鸛鵒之巢遠哉搖

搖五行志引作搖搖今諸刊本詒廣雅遙遙遠也襦父喪勞

釋文及諸本並誤作稠今从唐石經及宋本改正古今人表亦作稠宋父以驕鸛鵒鸛鵒往歌

來哭童謠有是今鵲鵒來巢其將及乎 秋書再雩旱甚也

初季公鳥娶于齊鮑文子生甲詁按顧炎武云石經申誤

作甲今攷宋本並作甲與石經合未可謂之誤諸刻本作申

乃傳寫之誤也甲與申字畫相近而誤如昭十年傳卿甲字

諸本並誤作申設無石經及宋本將何所適從耶此處定从

石經宋本作甲或云猶言某甲失其名耳若著其名何以不

再見公鳥死季公亥與公思展與公鳥之臣申夜姑相其室

詁小爾雅相治也

杜本此

及季嬖與養人檀通而懼乃使其妾

扶己以示秦遄之妻曰公若欲使余余不可而扶余又訴於

公甫曰展與夜姑將要余秦姬以告公之公之與公甫告平

子平子拘展于下而執夜姑將殺之公若泣而哀之曰殺是

是殺余也將為之請平子使豎勿內日中不得請有司逆命

公之使速殺之故公若怨平子季郈之雞鬪季氏介其雞詰

賈逵云擣芥子為末播其雞翼可以益郈氏雞目鄭眾云介

甲也為雞著甲本疏服虔云擣芥子播其雞羽史記集解按服杜皆

取賈說郈氏為之金距平子怒益宮于郈氏詰服虔云金距

以金踏距儀禮疏高誘呂覽注云以利鐵作鍛距沓其距上沓

即踏又淮南王書注云金距施芒于距且讓之詰方言凡皆

相責讓曰譙讓杜本此故郈昭伯亦怨平子古今人表作厚昭伯師古曰即郈昭

也伯詰世本昭伯名惡魯孝公之後稱厚氏也呂覽郈成子為

魯聘于晉高誘注郈成子魯大夫也郈敬子國之子郈青後

也世本孝公生惠伯革其後為厚氏臧昭伯之從弟曾為讒

於臧氏而逃於季氏

史記作偽讒

詒按定十二年傳文子爲不知

釋文云文子爲不知爲字古每假借爲偽陸氏此處未加音

切偶疏漏耳臧氏執旃平子怒拘臧氏老詒服虔云老臧氏

家之大臣

同

將禱於襄公萬者二人其眾萬於季氏詒淮南

王書禱於襄廟舞者二人惠棟曰傳氏言四人爲列尙不成

樂況二人乎當作八傳文誤也臧孫曰此之謂不能庸先君

之廟大夫遂怨平子公若獻弓於公爲且與之出射於外而

謀去季氏公爲告公果公賁公賁使侍人僚相告公

釋文

侍人本亦作寺人

公寢將以戈擊之乃走公曰執之亦無命也懼而

不出數月不見公不怒又使言公執戈以懼之乃走又使言

公曰非小人之所及也公果自言公以告臧孫臧孫以難告

邠孫邠孫以可勸告子家懿伯懿伯曰讒人以君徼幸事若不克君受其名不可爲也舍民數世以求克事不可必也且政在焉其難圖也公退之辭曰臣與聞命矣言若泄臣不獲死乃館於公叔孫昭子如闕公居于長府九月戊戌伐季氏殺公之於門遂入之平子登臺而請曰君不察臣之罪使有司討臣以干戈臣請待於沂上水經沂水出泰山蓋縣艾山至下邳縣西南入泗杜本此以察罪弗許請囚於費弗許史記作鄭詰服虔云費季氏邑史記集解請以五乘史記集解五乘史記集解自省約以出同上子家子曰君其許之政自之出入矣隱民多取食焉詰荀子宥坐篇奚居之隱也按與此義同楊倞注隱窮約也亦與杜注略同爲之徒者眾矣曰入隱作詰周

禮環人察軍慝鄭元注慝陰姦也謂軍中有為慝者弗可知

也眾怒不可蓄也蓄而弗治將蒞

釋文蒞本又作蘊

蒞說文蒞積也

杜本此

蒞蓄民將生心生心同求將合君必悔之弗聽郈孫曰

必殺之公使郈孫逆孟懿子蒞賈逵云仲孫何忌

同

叔孫氏

之司馬馯戾言於其眾曰若之何

史記作叔孫氏之臣戾無馯字

蒞鄭元云

大夫家臣為司馬者莫對又曰我家臣也不敢知國凡有季

氏與無於我孰利皆曰無季氏是無叔孫氏也馯戾曰然則

救諸帥徒以往陷西北隅以入

一本以作而韓非子內儲作撞西北隅以入

公徒

釋甲執冰而踞話賈逵云冰積九蓋也

本疏杜取此

方言弓藏謂

之韃或謂之櫝九遂逐之孟氏使登西北隅以望季氏見叔

孫氏之旌以告孟氏

內儲篇作見叔孫之旗

執郈昭伯殺之于南門之